



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorvm Vita, Moribvs, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt III. Qvod Propria Integritas Et pefectio Ecclesiastico vivo, vt finis secundarius, sit proposita.

urn:nbn:de:hbz:466:1-42349

legimus : Et nunc ad vos mandatum hoc , ô Sacerdotes : si nolueritis audire , & si nolueritis ponere super cor , vt detis gloriam nomini meo , ait D O M I N U S exercitum , mittam in vos egestatem & maledicam benedictionibus vestris , & maledicam illis , quoniam non posuistis super cor . Atque vrinam tales Clerici , qui diuino honori impedimentum afferunt , sola corporali inopia & egestate premerentur , & non animo sterilecerent , & à virtutibus penitus exarescerent ; vt visus probat & experientia .

C A P V T I I I .

*Q V O D P R O P R I A I N T E G R I T A S E T
perfectio Ecclesiastico viro , vt finis secundarius ,
sit proposita .*

§. **E**ST & alter finis sed minus principalis , in quem assidue collimare debet clericus , nimirum sua metiplus virtus & perfectio , vt secundum mensuram gratiæ sibi diuinitus concessæ quotidianū in sanctitate progressum faciat , vt talentum sibi concreditum non in sudario reponat aut humili defodiat & audiatur : Inutilē seruum prouicite in tenebras exteriores , ibi erit fletus & stridor dentium , sed siue duo , siue quinq; talenta acceperit , totidem minimum iudiciâ suâ lucretur & audiatur . Euge serue bone & fidelis , quia in pauca fuisti fidelis , supra multa te constituam ; intra in gaudium domini tui . Matth . 25 . v . 14 . vsq; ad 31 Luc . 19 . v . 12 . Quod Euangeliū exponens S. Gregor . hom . 9 . in Euang . Lec̄tio S. Euangeliū , fratres carissimi , sollicitè considerare nos admonet , ne nos , qui plus ceteris in hoc mundo accepisse aliquid cernimur , ab auctore mundi , grauius inde iudicemur . Cum n. augentur dona , rationes etiam crescunt donorum , tanto ergo esse humilior atque ad seruendum Deo promptior quisque debet ex munere , quanto se obligatorem esse conspicit in reddenda ratione . Ecce homo

homo qui peregrinè proficiscitur, seruos suos vocat, eisq; ad negotium talenta partitur. Post multum vero temporis positurus cum eis rationem reuertitur: bene operantes pro apportato lucro remunerat, seruum vero à bono opere torpente damnat.

§. Et quidem hos seruos Orig. tract. 33. in Matt. Cæsarius hom. 22. Ambr. in c. 19. Lucæ, Chrys. Hier. Beda, Euthymius, Theophyl. in commentarijs suis in Matth. Ecclesiæ Doctores & ministros interpretantur. Talenta hic, ait S. Chrys. hom. 79. in Matt. pro eo, quod unusquisq; facere potest, accipimus, siue auctoritate protegere, siue pecuniis iuuare, siue doctrina admonere, siue alia quamvis re proximis prodeesse queas, Luc. 12. v. 48. Omni autem, cui multum datum est, multum queritur ab eo. Etsi etiam omnes exhortetur Apostolus, ne in vacuum gratiam Dei recipient 2. Cor. 6. v. 1. nec cum torpor finant esse ociosam, sed bonis operibus augeant, potissimum tamen ab Ecclesiasticis id postulat 1. Timoth. 4. v. 14. Noli negligere gratiam, qua in te est, qua data est tibi per Prophetam cum impositione manuum Presbyteri. Monet ut ordinis sui officij, gratiæ & virtutis donatae diligentem rationem habeat & curam: & rursum 2. Tim. 1. v. 7. Admoneo te, vt resuscites gratiam Dei, quæ est in teper impositione manuum mearum. Quasi dicit Apostolus, O Timothee, consensercentem, & tempore, humana infirmitate ac mutabilitate, desidia etiam atq; inertia languescentem gratiam in ordinazione acceptam assidua oratione, meditatione, pia lectio, alacritate & vigilantia animi, virtutis studio & contentione exsuscita. Quemadmodum ignis, ait, hom. 1. in 2. ad Tim. S. Chrys. indiget lignis: ita & gratia alacritate nostra opus habet ut seruere perpetuè possit: quippe hanc vel extinguere velexitare in nobis est. Idecirco & alibi 1. Thess. 5. 19. ait spiritum nolite extinguere. Is enim angore animi & negligentia extinguitur, vigilantia vero & intentione suscitatur.